

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
KANTONALNI SUD U BIHAĆU
Bihać, 15.07.2009. godine

SREDSTVIMA JAVNOG INFORMISANJA

Po održanom glavnom i javnom pretresu dana 23.06.2009. godine u krivičnom predmetu protiv optuženih Karajić Asima i Karajić Aske, dana 24.06.2009. godine javno je objavljena presuda kojom je optuženi Karajić Asim zv. žuti sin Hasana i majke Hasnije oglašen krivim što je :

Za vrijeme oružanog sukoba u BiH između pripadnika 56. Korpusa Armije RBiH i pripadnika tzv. Narodne odbrane „Autonomne pokrajine Zapadna Bosna“ kako pripadnik I brigade na području mjesta Polje, općina Velika Kladuša u vojnoj akciji prilikom zauzimanja položaja pripadnika Armije RBiH, na Alibabinom brdu postupio suprotno pravilima Međunarodnog humanitarnog prava, čl.3 stav 1. i stav 2. tačka a., člana 4, člana 5. i člana 13, III Ženevske konvencije o postupanju sa ratnim zarobljenicima od 12.08.1949. godine, te suprotno članu 4. tačka 2. Dopunskog Protokola II iz Ženevske konvencije o zaštiti žrtava nemeđunarodnih oružanih sukoba od 12.08.1949. godine, na način što je :

Dana 16.12.1994. godine oko 9,30 sati na Alibabinom brdu prilikom pretresa u kući vlasništvo Delić Huseina, kojeg su vršili drugooptuženi Karajić Asko te Veljačić Arif i Karajić Fikret koji su također bili pripadnici tzv. Narodne odbrane „APZB“ pronašli i zarobili dva pripadnika Odreda za specijalne namjene CSB Bihać i to : Selimović Huseina i Šišić Samira koji su postupajući po naredbi lica koja su ih zarobili uzdignutim rukama izašli iz prostorije u kojoj su zarobljeni, ostavljajući za sobom svoje automatsko oružje, te kada su isti sprovedeni kroz unutrašnjost kuće u pravcu ulaznih vrata od kuće prema kojima su bile usmjerene cijevi automatskih pušaka lica koja su ih zarobila, prilikom dolaska u blizinu ulaznih vrata od kuće, a nakon što je Karajić Fikret primjetio pištolj za pasom kod zarobljenog Šišić Samira kojem je naredio da mu ga preda, što je ovaj i učinio zarobljeni pripadnik CSB Bihać Selimović Husein, koji se kretao ispred zarobljenog Šišić Samira, nastavio je da se kreće te tako izlazi iz kuće, kada je u blizini ulaznih vrata sa lijevog čoška kuće u namjeri da zarobljenog Selimović Huseina koji je bio nenaoružan liši života, bez ikavog povoda optuženi Krajić Asim zv. „Žuti“, u istog ispucao rafal iz automatske puške kalibra 7,62 mm, nanijevši mu na taj način povrede izražene u vidu preloma sa manjkom kosti 9. rebra obostrano i 10. lijevog rebra bez manjka kosti, a koje povrede su teške i po život opasne, kada je odmah nakon pucanja optuženog Karajić Asima sa prozora kuće u kojoj su se nalazili optuženi Karajić Asko te Karajić Fikret i Veljačić Arif ispaljen rafal iz automatske puške kalibra 7,62 mm i namjeti lišavanja života zarobljenog Selimović Huseina koji je zadobio povrede u vidu višestrukog prelom kostiju lubanje sa probojnim prelomom zatiljne i čeone kosti lijevo, prelom 6 i 7 vratnog i grudnog pršljena kičme i probojni prelom donjeg desnog dijela krsne kosti od kojih povreda zajedno je Selimović Husein umro na licu mjesta.

Dakle, za vrijeme rata u BiH, kršeći pravila Međunarodnog prava izvršio ubistvo zarobljenog pripadnika CSB Bihać.

Čime je počinio krivično djelo- ratni zločin protiv ratnih zarobljenika iz čl.144 preuzetog KZ SFRJ, pa je primjenom istog zakonskog propisa i uz primjenu odredaba čl.4,5 i 41 st 1. preuzetog KZ SFRJ OSUĐEN NA KAZNU ZATVORA OD 7 (SEDAM) GODINA.

U smislu čl. 50 stav 1. preuzetog KZ SFRJ u izrečenu kaznu zatvora optuženom je uračunato vrijeme provedeno u pritvoru KMUP- a USK-a Bihać u trajanju od 3 (tri) dana.

U smislu čl.212. stav 3. ZKP FBiH, porodica ubijenog Selimović Huseina sa svojim imovinskopравnim zahtjevom je upućena na parnični postupak.

U smislu čl. 202.stav 1 ZKP-a FBiH, optuženi je dužan naknaditi sudu troškove krivičnog postupka u iznosu od 6.821,00 KM, te paušal u iznosu od 150,00 KM a sve u roku od 15 dana od pravomoćnosti presude.

Optuženi Karajić Asko sin Hasana i majke Hasnije rođen 24.04.1972 .godine u Polju općina Velika Kladuša je temeljem odredbe čl.299. tačka c) ZKP-a FBiH uslijed nedostatka dokaza oslobođen od optužbe.

Presuda je javno objavljena dana 24.06.2009.godine.

PORTPAROL
Haris Hairlahović